

glasnik BiH", broj 32/02), direktor Agencije za sigurnost hrane Bosne i Hercegovine donosi

NAREDBU

O PRIVREMENOJ ZABRANI UVOZA U BOSNU I HERCEGOVINU, PROVOZA PREKO TERITORIJA BOSNE I HERCEGOVINE, POVLAČENJU SA TRŽIŠTA BOSNE I HERCEGOVINE DIJETETSKIH PROIZVODA KOJI SADRŽE SIBUTRAMIN

I.

Privremeno se zabranjuje uvoz u Bosnu i Hercegovinu, provoz preko teritorije Bosne i Hercegovine dijetetskih proizvoda koji sadrže sibutramin u cilju sprječavanja ozbiljnog rizika po zdravlje potrošača koji može nastati kao rezultat izlaganja djetstvu istoga kao sastojka dijetetskih proizvoda koje je moguće pribaviti bez liječničkog recepta u slobodnoj prodaji i koristiti izvan liječničke kontrole.

II.

Određuju se mjere povlačenja sa tržišta Bosne i Hercegovine i neškodljivog uništavanja dijetetskih proizvoda "zelena kafa 800" u pakovanjima sa 18 kesica, proizvođača "American Leptin Pharmaceuticals Limited", zelenog čaja za mršavljenje istog proizvođača i zelene kafe za mršavljenje popularnog naziva "Leontina", proizvođača "Elephant CO-Strong Natura" iz Beograda.

III.

Nalažu se mjere pojačane inspeksijske kontrole, uzorkovanje i analiza dijetetskih proizvoda, domaće proizvodnje i iz uvoza, na prisustvo sibutramina, agensa koji se primjenjuje u tretmanu obeziteta kod ljudi, u pravilu kao sibutramid hidrohlorid monohidrat i isključivo pod liječničkim nadzorom.

IV.

Nadležni inspeksijski organi moraju osigurati da svi dijetetski proizvodi koji se koriste kao dodatak prehrani u svrhu reguliranja tjelesne težine, a nalaze se na tržištu Bosne i Hercegovine, budu sistematski testirani na sibutramin.

V.

Svi dijetetski proizvodi za koje se utvrdi da sadrže sibutramin moraju biti povučeni sa tržišta i neškodljivo uništeni.

VI.

Nadležni inspeksijski organi dužni su subjektu u poslovanju s hranom kod koga se tokom sprovođenja mjera propisanih ovom Naredbom ustanovi neusklađenost, naložiti mjere javnog informiranja kupaca, povrata proizvoda uz naknadu utrošenog novca za proizvod.

VII.

Sve troškove nastale primjenom ove Naredbe snose subjekti u poslovanju s hranom.

VIII.

Ova Naredba stupa na snagu danom donošenja a objavit će se u "Službenom glasniku BiH".

Broj 01-1-02-2-428/10
9. marta 2010. godine
Mostar

Direktor
Doc. dr. sci. **Sejad Mačić**, s. r.